

# 1 TESALONAIKA

## **Pepa Paulo ingere munğa panzi kalo-tawana tamâta simo Tesalonaika lawea**

*Tesalonaika nde lawea ñalae tonje ikeno Masedonia tâno. Paulo munğa imo ñinde itula pâri ara panzi, kala tamâta pinde kalonzi tawana Yesu. Andeta kinzi Juda tamâta sikai kazâña pa Paulo, kala ipilenzi ilâ (Pâri Tamâta 17:1-10). Ilâ ipânga Korin lawea lâ, aku muli nga Timoti imâ itapâri papa ñana Tesalonaika ngu nenzi kalo-tawana, kala Paulo ingere ngua ñine ilâ panzi. Paulo ilo ndo keno panzi, aku lâ pepa ñine tini itu ipu tini kaika pa ilonzi kalonzi. Itula vetâña arara pinde ñana ma sipaveta kuku, ñinenğa itula ngua panzi ñana nenda mandiña lâ mateña nianzi wa Yesu ne zo ñana itaulo imâ kilo (4:13-18).*

<sup>1</sup> Maka ñato, Sailas nga Timoti nga naña Paulo warakângu, maka kamo taitu, kala naña angere ngua ñine imâ pa miki kalo-tawana tamâta kamo Tesalonaika lawea, miki ñinde uru kalomi tawana Tamânda Maro Kindeni nga Maro Yesu Kirisi. Maro Kindeni ne wisi-wisi wa wisi-pisi wa imâ pami.

*Paulo ilo ara ñana Tesalonaika tamâta nenzi kalo-tawana*

<sup>2</sup> Ikura zo rârâni maka uru kaloma ngere ñanami, aku maka kaporo ndançe ilâ pa Maro

Kindeni. Maka uru kano pa i nana miki kâ ikura lâ nema noŋa rârâni.

<sup>3</sup> Maka kawama ndaŋge pa Tamânda Maro Kindeni, nana tu nemi kalo-tawana uru ipaŋo ilomi kalomi nana kaveta vetâŋa ara kâ. Aku miki tinimi mwasa panzi tinimi pinde, kala uru kaveta wurâta ara nâ. Aku miki kao tinimi nana Maro Yesu Kirisi kâ, kala uru kamandi kaika ku kamo nâ.

<sup>4</sup> Nima-nambwe wukale, maka kasama tu Maro Kindeni ilo ndo keno pami, aku ipateami tu ma kapâŋga i ne ngu sondo.

<sup>5</sup> Maka kasama njine nana tu muŋga, lâ zo njinde maka kakai pâri ara kamâ pami, ande pâri ara njinde nandai ipâŋga pami itogo tapârîŋa kaa nâ nŋa. Njinde ipâŋga tava Koroani Sapâŋa ne walo wa ne mâsi kaika wa, aku miki kamora nema kalo-tawana kaika njinde pwataki lâ. Miki warakami nde kasama nana maka nema pavilâŋa lâ zo njinde maka kamo nŋinimi.

<sup>6</sup> Miki kaloŋo Maro Kindeni ne nŋua lâ, kala miki kapaveta kuku maka nema vetâŋa tava Maro Njalae ne vetâŋa. Njineŋga malia njalae tina ipâŋga pami lâ, andeta Koroani Sapâŋa iveta ilomi ara kala miki kandeka ku kamo kapaipa kuku pâri ara njinde.

<sup>7</sup> Aku nemi vetâŋa njinde itula nzâla ara ndo panzi kalo-tawana tamâta rârâni simo Masedonia tâno wa Akaia tâno wa.

<sup>8</sup> Miki katula mâsi ara nana koka Maro Njalae ne nŋua muli, aku njinde ilâ itogo wâŋgu ne nduŋeŋa mwasina. Andeta nduŋeŋa njinde ilâ ipâŋga lâ Masedonia tâno wa Akaia tâno

simbonzi nâ, ande tia. Ikura lawea rârâni, ande tamâta siloŋo parinami tu miki kalomi tawana Maro Kindeni. Mine kala maka nema wurâta ŋana katula parinami panzi kâ keno, nde tia.

<sup>9</sup> Aku kinzi warakanzi kala uru situla ŋgua ŋana vetâŋa arara ŋinde miki muŋga kaveta, lâ zo ŋinde maka kamo kumi. Kinzi situ parinami tu miki kapu mulimi panzi maro laŋeja lâ, aku kapalele ilomi kalomi ilâ pa Maro Kindeni Via Tamwata, ina Maro Mao Kanaŋo, aku kapono muli pa i simbo nâ.

<sup>10</sup> Aku situ parinami tu miki uru kao tinimi ŋana zo ŋinde Maro Kindeni Natu ma ipile samba lawea ku itaulo imâ kilo. Inani kala Yesu, muŋga imâte lâ, andeta Maro Kindeni ipaŋo i imo via kilo. Aku i ma ikea ŋana kinda kâ, kala ma tamo ara lâ zo muli ŋinde Maro Kindeni ne wisi-nâna ŋana tamâta nenzi kiesaka kâ ma ipâŋga nia yo.

## 2

*Paulo itula ŋgua pwataki ŋana wurâta muŋga iveta lâ Tesalonaika*

<sup>1</sup> Nima-nambwe wukale, miki warakami kasama tu maka muŋga kaveta wurâta kaa nâ lâ zo ŋinde kamo kumi, ande tia.

<sup>2</sup> Miki kasama tu maka muŋga kamo Pilipai lawea, aku lâ lawea ŋinde maka kakai nâna ŋalae. Kinzi siyaula karaema wa siporo ŋgua pavaligiŋa pama wa. Andeta lâ zo ŋana maka kamâ pami, nenda Maro Ŋalae Kindeni ipu tini kaika pa iloma kaloma, kala maka kamege ŋana kazâŋa ŋinde kâ, ande tia ndo. Maka kakisi

kaika nâ, aku katula Maro Kindeni ne pâri ara pami.

<sup>3</sup> Aku lâ zo nana maka kanomi tu kapalele ilomi kalomi ilâ pa Yesu, ande maka kaporo ngua soki ku kaveta vetâna potomule wa lanenja wa, ande tia.

<sup>4</sup> Maro Kindeni isama maka kilalama lâ, aku i tamwata ipatea wurâta pama tu ma katula i ne pâri ara. Mine kala maka nandai iloma tu tamâta ma sisuka maka nana kâki nga. Maro Kindeni simbo nâ imora iloma kaloma pwataki lâ, aku maka iloma tu i nâ ma ilo ara pama nana nema wurâta kâ.

<sup>5</sup> Miki kasama lâ, aku Maro Kindeni kala isama mine nâ tu maka munja kaporo ngua mâru-mâru pami, ande tia ndo. Aku maka nandai iloma yosi nana nemi kekekele kala kaporo ngua ara pami.

<sup>6</sup> Lâ zo ninde, maka nandai iloma tu miki ma kandekanama nga. Aku mine nâ, maka nandai iloma tu tamâta pinde ma sindekanama nga.

<sup>7</sup> Mao nâ, maka kamo Yesu Kirisi ne pâri-tamâta. Mine kala kalonjo nga; ambo maka iloma tu miki ma kasukama nana kekekele pinde kâ, ande maka kakura nana kaporo kaika pami tu kaveta mine. Andeta zo ninde maka kamo kumi, ande maka kamo mwasa nâ, itogo taine uru imagegea natu puro-puro mine.

<sup>8</sup> Maka iloma ndo keno pami; mine kala maka kandeke nâ nana kaporo katula Maro Kindeni ne pâri ara pami. Aku maka kala kapaveta sondu nana kapayaula nema via nana kavila miki kâ, nana tu maka iloma ndo ikeno pami.

<sup>9</sup> Nima-nambwe wukale, miki kasama lâ ñana wurâta ñalae maka muñga kaveta, lâ zo ñinde kamo kumi. Maka kamâ ñana katula Maro Kindeni ne pâri ara pami, aku maka tinima pwâka tu miki ma kaveta wurâta ñalae ñana kakatona maka ñana kâña-nuña kâ. Mine kala maka kaveta wurâta kaika lâ kari wa mbo wa, ñana kakai mbumbu tu kapako kapwama.

<sup>10</sup> Miki kasama lâ, aku Maro Kindeni kala isama mine nâ ñana vetâña rârâni maka kaveta lâ miki kalo-tawana tamâta ñginimi. Maka nema vetâña ñinde nde ara ndo lâ Maro Kindeni nao; maka kaveta vetâña soki tonje tia.

<sup>11</sup> Miki kasama tu maka muñga kaveta kema ara nâ pa miki taitu-taitu, itogo tamâta uru iveta kie ara panzi natu mine.

<sup>12</sup> Mao nâ, maka kaporo ñgua ñana igagati ilomi kalomi ku ipu tini kaika pami. Aku maka kanomi tu ma kamo sondo, ikura Maro Kindeni tamwata ipatea pami mine. Maro Kindeni ina isarawami tu ma kasama i ne walo ñalae, aku isarawami tu ma kamo kunzi ñgu ñine i uru ikai maro panzi.

*Kinzi kalo-tawana tamâta lâ Tesalonaika lawea simandi kaika ñana sikale malia kâ*

<sup>13</sup> Lâ zo ñana miki kalonjo Maro Kindeni kawa ñgua maka katula pami ñinde, ande miki kakai ñgua ñinde itogo tamâta nâ nenzi ñgua, ande tia. Miki kalonjo ku kakai ñgua ñinde itogo Maro Kindeni kawa ñgua mao. Aku mao nâ, ñgua maka katula pami ñinde nde Maro Kindeni kawa ñgua. Aku i tamwata uru ikai wurâta kaika lâ miki kalo-tawana tamâta ilomi kalomi. Ikura zo

zo maka kawama ndanġe ilâ pa Maro Kindeni  
 ɳana ɳine kâ.

<sup>14</sup> Nima-nambwe wukale, miki kapâŋga kato-  
 gonzi Maro Kindeni ne kalo-tawana tamâta simo  
 Judia tâno, kinzi ɳinde sipaipa kuku Yesu Kirisi  
 lâ. Miki kakai malia lâ warakami nemi ɳgu  
 mbaunzi, itogo kalo-tawana tamâta simo Judia  
 tâno muŋga sikai malia lâ Juda ɳgu mbaunzi  
 mine.

<sup>15</sup> Muŋga kinzi Juda ɳgu sipu Maro Yesu  
 tavanzi kinzi ɳgua-tulâŋa tamâta pâta simâte,  
 aku siŋara maka tona. Kinzi taŋanzi kaika ku  
 sikai kazâŋa pa vetâŋa ara rârâni Maro Kindeni  
 ilo papa ɳinde. Aku kinzi simo sitogo tamâta  
 rârâni nenzi nânâo mwasina.

<sup>16</sup> Kinzi sitogo tu sipono nzalama, ɳana maka  
 ma kakura tu katula pâri ara panzi tamâta lâ  
 tinikoa ɳgu tia. Kinzi tininzi pwâka tu Maro  
 Kindeni ma ivilanzi ɳgu ɳinde tu simo vianzi  
 ku simo nâ. Mine kala ikura zo zo kinzi siveta  
 kiesaka, kala kiesaka ɳinde ipâŋga ɳalae tina.  
 Aku ɳana ɳine kâ Maro Kindeni ne wisi-nâna  
 nde imâ panzi lâ.

*Paulo ilo ndo tu imoranzi kalo-tawana tamâta  
 lâ Tesalonaika lawea kilo*

<sup>17</sup> Nima-nambwe wukale, kinzi Juda tamâta  
 siŋara maka lâ, kala kapilemi ikura zo pinde.  
 Maka kamora naomi tia, andeta iloma nde keno  
 pami yo. Maka iloma ɳalae tina tu kamorami  
 kilo. Mine kala maka kaveta wurâta kaika  
 karoto nzâla ɳana kataulo kamâ pami.

<sup>18</sup> Maka iloma tu kamâ pami, aku naŋa Paulo warakâŋgu apatogo tu ataulo amo kumi mb-waniŋgu pinde. Andeta Sadana isae nzâla ŋanama.

<sup>19</sup> Maka iloma tu kamo kumi, ŋana tu lâ zo ŋana nenda Maro Yesu ma itaulo imâ kilo, ande kelekele ndia ma isuka maka tu kamandi kaika ku kandeka lâ i nao, a? Anŋa kelekele ndia ma itula pwataki tu maka kaveta nema wurâta ara lâ, a? Maka ma kandeka ŋana miki ni. Tamâta tonŋe ipole miki ŋana iveta ndekâŋa ipipi lâ iloma kaloma, ande tia.

<sup>20</sup> Mao nâ, maka ma kandeka ŋana miki kâ, aku miki warakami ma kaveta iloma kaloma ikeno ara ndo.

### 3

*Paulo isupwa Timoti ilâ pa Tesalonaika lawea ŋana isukanzi kalo-tawana tamâta*

<sup>1</sup> Maka kamo tava iloma malia mine lee, ŋineŋga iloma patea tu zo ŋga ipâŋga lâ. Mine kala maka kapa ŋgua tu maka rua ma kamo Atens lawea,

<sup>2</sup> anŋa Timoti nde ma kao imâ pami. Ninda-nambwe Timoti nde Maro Kindeni ne kuleŋa tamâta ŋana itula pâri ara ŋana Yesu Kirisi kâ. Maka rua kao i imâ ŋana isukami ku ivilami, ŋana nemi kalo-tawana ma ikeno kaika nâ.

<sup>3</sup> Ambo Timoti ma imâ pami tia, ande nâna wa malia nemi ŋgu siveta pami ŋinde ma iveta miki pinde ilomi kalomi rârâ. Miki warakami nde kasama tu Maro Kindeni muŋgani ipatea kinda

tu ma takale malia mine nâ nana nenda kalo-tawana kâ.

<sup>4</sup> Munğa maka kamo kumi, aku lâ zo ninde maka kapaimi tu malia kie-kie ma ipânğa pa kinda. Aku miki kasama tu zo sakamao mine nde imâ ipânğa lâ.

<sup>5</sup> Mine kala naņa amo nâ, ande tia. Naņa atu asama nana miki nemi kalo-tawana tu ikeno mana, ande kala ao Timoti imâ pami lâ. Naņa kalonğu loko tu koroani saka nenzi koipu nğalae nde iveta samânğa pami tâ ku isowe ilomi kalomi, kala maka nema wurâta ilâ kaa nâ. Andeta tia.

*Paulo indeka nâ, nana tu Timoti ikai nğua ara itaulo imâ*

<sup>6</sup> Ayo, Timoti imâ imo kumi lee, ninenğa ipilemi ku ilâ. Kala munğa nâ imâ ipânğa pa maka lâ, aku itapâri nğua ara ndo pama. Itula nğua tu miki nemi kalo-tawana ikeno kaika ndo, aku miki uru tinimi mwasa nâ panzi tinimi pinde. Aku itapâri tu ikura zo rârâni miki kalomi nğere nana maka kâ, aku wisimi ara pama tona. Aku miki kala ilomi nğalae tu kamâ kamora maka, itogo maka iloma nğalae tu kamâ kamora miki mine nâ.

<sup>7</sup> Nima-nambwe wukale, maka kalonjo parinami tu nemi kalo-tawana ikeno kaika ndo, aku ninde ipu tini kaika pama lâ zo ninde malia wa nâna rârâni ipânğa pama lâ.

<sup>8</sup> Maka kasama tu miki kapaipa ndo kuku Maro Nğalae, kala nğine maka iloma ara ku wisima puu ndue lâ.

<sup>9</sup> Maka kaloma nğere nğanami ku kandeka pâta lâ nenda Maro Kindeni nao. Maka kawama



ndanje ilâ ñalae pa Maro Kindeni, andeta nema ndekâña nde ñalae ndo, ipole nema ñgua ñinde.

<sup>10</sup> Maka uru kano kaika pa Maro Kindeni ikura kari wa mbo wa. Maka kano tu i ma iveta nzâla pama ñana kamâ kamorami kilo. Njineŋga maka ma kakura tu kasukami, aku nemi kalo-tawana ma ipânga ñalae.

*Paulo ino pa Maro Kindeni tu ma io i ilâ panzi*

<sup>11</sup> Maka iloma tu Tamânda Maro Kindeni tamwata kuku nenda Maro Ñalae Yesu rua ma sikai nzâla piti, ñana maka ma kamo kumi.

<sup>12</sup> Aku maka iloma tu Maro Ñalae ma isuka miki, ñana nemi tini-mwasa panzi kalo-tawana tamâta sitavanzi tamâta rârâni ma ipânga ñalae, itogo maka nema tini-mwasa ikeno pa miki mine nâ.

<sup>13</sup> Maka iloma tu Maro Kindeni ma isuka nemi kalo-tawana. Mine kala lâ zo ñana nenda Maro Ñalae Yesu tavanzi ne tamâta rârâni ma sitaulo simâ kilo, ande Tamânda Maro Kindeni ma imora miki tu kamo mbâra-mbâra ndo, nemi kiesaka tonje tia.

## 4

*Kinda ma taveta vetâña potomule ndimo*

<sup>1</sup> Nima-nambwe wukale, maka muŋga kapananami ñana vetâña arara ñana miki ma kapaveta kuku. Ambo miki ma kapaveta kuku vetâña arara ñine, ande Maro Kindeni ma ilo ara. Aku maka kasama tu nemi vetâña ikeno mine nâ. Kala ñine maka kakai Maro Ñalae Yesu ndamwa ku kaporo kapu tini kaika pami tu miki ma kaveta vetâña arara mine ipânga ñalae.

<sup>2</sup> Maka muŋga kakai Maro Njalae Yesu ndamwa ku katula ŋgua tukuŋa rârâni yâti, aku miki kaloŋo lâ.

<sup>3</sup> Maro Kindeni ilo tu miki ma kamo ilomi mbâra-mbâra, aku i ilo tu miki ma kaŋgeŋge ŋana vetâŋa sakamao ŋana kapalulua tinimi potomule kâ.

<sup>4</sup> I ilo tu miki ma kapakatona sondo ŋana vetâŋa sakamao tava ilo-kalo sakamao uru ipâŋga nâ lâ ilomi. I ilo tu miki ma kamo sondo, aku ma kapaveta kuku vetâŋa ara rârâni i tamwata ipatea pami ŋinde.

<sup>5</sup> Tia ma miki kambe ŋana ilo-kalo wa vetâŋa sakamao ŋinde, aku miki warakami ma kaveta vetâŋa sakamao ŋana kapalulua tinimi potomule kâ, itogo kinzi tinikoa uru siveta mine. Kinzi ŋinde sizizâla ŋana Maro Kindeni ne pateŋa, kala siveta mine.

<sup>6</sup> Miki ma kaveta soki tonge mine panzi kalotawana tamâta ndimo. Maka muŋga katula ŋgua pwataki pami tu muli ŋga Maro Njalae ma ipare nia panzi tamâta ea siveta vetâŋa sakamao kie mine rârâni.

<sup>7</sup> Maro Kindeni ipatea kindi ŋana tapaveta kuku vetâŋa potomule mine, ande tia ndo. Ipatea kindi ŋana tamo sondo lâ i nao.

<sup>8</sup> Mine kala tamâta ea ipu muli pa ŋgua tukuŋa ŋine, ande i ipu muli panzi tamâta tia; ipu muli pa Maro Kindeni, ina kala uru io ne Koroani Sapâŋa imâ pami.

*Kinda ma tapakatona sondo ŋana nenda vetâŋa kâ*

9 Munğa Maro Kindeni ipanana miki warakami ɲana vetâɲa ɲana tinimi mwasa panzi kalo-tawana tamâta kâ. Mine kala naɲa ma angere ɲgua pinde imâ pami ɲana vetâɲa ɲinde kâ, ande tia.

10 Aku mao nâ, miki uru tinimi mwasa nâ panzi kalo-tawana tamâta simo lawea ndoni lâ Masedonia tâno. Ambo taitu nima-nambwe wukale, maka iloma tu kapu tini kaika pami ɲana miki ma kaveta vetâɲa ara mine ipâɲga ɲalae ndo.

11 Miki ma kapakatona sondo ɲana kamo mwasa nâ, aku kaveta warakami nâ nemi kelekele. Kapakatona warakami, aku kaveta wurâta tava warakami nâ mbaumi, ikura maka munğa kapananami mine.

12 Ambo miki ma kaveta mine, ande wurâta ma ikeno panzi tinimi pinde ɲana sisukami ɲana kelekele kâ, ande tia. Aku tamâta simo niaka ɲana pâri ara kâ ɲinde ma sindeka nâ ɲana nemi vetâɲa kâ.

*Maro ɲalae ma itaulo imâ kilo ɲana igona kindâ kâ*

13 Nima-nambwe wukale, maka iloma tu miki ma kasama ɲgua mao ɲana vetâɲa ndia ma ipâɲga panzi mateɲa tamâta. Tia ma kalo-sukâɲa ɲalae ipâɲga pami, itogo uru ipâɲga panzi tamâta ɲinde kalonzi tawana Maro Kindeni tia. Kinzi ɲinde uru sio tininzi ɲana nenzi mandɲa lâ kuru nia, ande tia.

14 Anğa kindâ nde kalonda tawana tu Yesu imâte lâ, ɲineɲga imandi imo via kilo. Mine kala kindâ tasama tu Maro Kindeni ma ipaɲonzi

kalo-tawana tamâta ñinde muᅅga simâte, aku ma ionzi simo kuku Yesu.

<sup>15</sup> Maka katula Maro Ñalae kawa ᅅgua pwataki pami mine; lâ zo ᅅana Maro Ñalae ma itaulo imâ kilo kâ, ande kinda tamâta kala tamo viânda lâ tâno kulu ᅅine ma tamuᅅga panzi tamâta ñinde muᅅga simâte, ande ma tia.

<sup>16</sup> ᅅana tu Maro Kindeni ma isuᅅa kawa, aku aᅅelo nenzi koipu ᅅalae ma isarâwa, aku Maro Kindeni ne tando ma ita. Aku Maro Ñalae tamwata ma ipile samba ku indue imâ. Aku tamâta ñinde muᅅga simâte tava nenzi kalo-tawana, kinzi ñinde ma simandi muᅅga, aku ma simo vianzi kilo.

<sup>17</sup> ᅅinde ma ilâ lâ, ᅅineᅅga Maro Kindeni ma igona kinda tamâta kala tamo viânda lâ tâno kulu ᅅine, aku ma takâki talâ kunzi pa nia maa ᅅinde ikeno âta. Aku kinda rârâni ma tamo taitu kuku Maro Ñalae, ma tamo mine ku tamo nâ.

<sup>18</sup> Mine nde ara ᅅana miki kalo-tawana tamâta rârâni ma katula ᅅgua ᅅine pwataki, aku kapaturu warakami ilomi kalomi tu ma ipu tini kaika pami wa iveta wisimi puu ndue wa.

## 5

*Kinda tamo tao tininda nâ ᅅana Maro Ñalae ne zo ᅅana ma itaulo imâ kilo*

<sup>1</sup> Nima-nambwe wukale, maka nema wurâta ikeno ᅅana kaᅅgere ᅅgua ᅅana zo ndia wa kari tai ᅅapia vetâᅅa rârâni ñinde ma ipâᅅga kâ, ande tia.

<sup>2</sup> Miki warakami kasama tu Maro Ñalae ne zo ᅅana itaulo imâ kilo kâ nde ma ipâᅅga nâ, itogo

panawe tamwata imâ ñana ne panawenja lâ mbo ñgini-ñgini, aku kinda tazizâla ñana.

<sup>3</sup> Kinzi tamâta ma siporo mine, “Zo ñine nde ara pâta, kala tamo ara nâ”. Andeta lâ zoni ndaina, ande vetâña ñana izavarunzi kâ ma nao panzi imâ walele nâ, itogo nâna uru ikainzi taine sipaguguanzi natunzi mine. Aku kinzi tamâta ma sikura tu sinjenje ñana nâna ñinde kâ, ande tia.

<sup>4</sup> Anja nima-nambwe wukale, miki ñandai kamo kondoma ilo ñga. Mine kala lâ zo ñana miki kamora mâsi ñinde imâ ipânga, ande miki ma wisimi motu itogo tamâta wisi motu ñana panawe tamwata imâ ñana ipanâwe kâ, mine ndimo.

<sup>5</sup> Miki kalo-tawana tamâta rârâni nde ñana kamo kari wa sinâla nâ ilo. Kinda ñandai tamo mbo tava kondoma nenzi tamâta ñga.

<sup>6</sup> Kinzi tamâta simo niaka ñana pâri ara kâ ñinde uru sikeno nâ, andeta kinda ma taveta mine ndimo. Ara ñana kinda ma tao tininda nâ, aku tapakatona ilonda kalonda sondo ndo.

<sup>7</sup> Kinda tasama tu tamâta uru sikeno lâ mbo nâ, aku uru sinu lââ kaika ku sidauda lâ mbo nâ.

<sup>8</sup> Anja kinda nde tamâta ñana tamo sinâla nâ ilo. Mine kala ara ñana kinda ma kalonda ñgere sondo. Vetâña ñana kalonda tawana Maro Kindeni kâ, anja vetâña ñana tininda mwasa panzi tininda pinde, vetâña rua ñinde nde itogo nenda pasawaña ñana tinji-tinji kâ. Aku vetâña ñana tao tininda pa Maro Kindeni tu ma via mao ilua kinda lâ samba lawea, ande

vetâṅa ṅinde itogo nenda siṅgâra kaika ṅana tasawa lâ kulunda mine. Aku kinda tamandi kaika lâ ṅinde tini.

<sup>9</sup> Maro Kindeni ṅandai ipatea tu i ma nâna ilua kinda ṅana nenda kiesaka kâ. Ipatea tu nenda Maro Ṅalae Yesu Kirisi ma ikai kinda piti lâ kondoma ilo ku via mao ilua kinda.

<sup>10</sup> Yesu imâte ṅana ikai nzâla piti pa kinda tu ma tamo ara kuku i, aku lâ zo ṅana i ma itaulo imâ kilo, ambo kinda tamo viânda tâku tamâte tâku, ande ma tamo viânda kuku i.

<sup>11</sup> Mine kala ara ṅana miki taitu-taitu ma kapu tini kaika panzi kalo-tawana tamâta, aku kavilanzi ṅana simandi kaika tona, itogo miki uru kaveta mine.

*Maro Kindeni uru ivilanzi kalo-tawana tamâta ṅana nenzi vetâṅa ara kâ*

<sup>12</sup> Nima-nambwe wukale, Maro Ṅalae ipateanzi tamâta pinde tu siveta wurâta ṅalae lâ miki ṅginimi. Ipateanzi ṅana sikai poe pami ku siveta nemi ilo-kalo sondo. Maka kanomi tu miki ma kamege ṅananzi tamâta ṅinde.

<sup>13</sup> Miki ma kamege ndo ṅananzi ku kao ilomi ndo ilâ panzi, ṅana tu nenzi wurâta ṅinde nde ara ndo. Aku miki rârâni ma kamo ilomi kalomi taitu nâ.

<sup>14</sup> Nima-nambwe wukale, maka kanomi tu miki ma kaporo ṅgua kaika panzi kalo-tawana tamâta ṅinde simo itogo wulitia tamwatanzi, ṅana kapaṅo ilonzi kâ; aku kapu tini kaika panzi tamâta ṅinde uru simo kalonzi loko nâ; aku kavilanzi tamâta ṅinde nenzi walo keno tia. Aku miki rârâni ma kamo mwasa nâ kunzi tamâta rârâni.

<sup>15</sup> Ambo tamâta tonje iveta kie sakamao pami, ande miki ma kakatu mbuku kilo papa i ndimo. Ikura zo rârâni, ara ñana miki ma kamandi kaika ñana kaveta vetâña ara nâ panzi kalotawana tamâta sitavanzi tamâta rârâni.

<sup>16</sup> Ikura zo rârâni, ande ara ñana miki ma kandeka ku kamo nâ.

<sup>17</sup> Aku ara ñana miki ma kakai noña pa Maro Kindeni ikura zo zo.

<sup>18</sup> Ambo vetâña tonje ma ipânga pami ku iveta ilomi malia, ande ara ñana miki ma kawami ndange pa Maro Kindeni. I ilo tu miki tamâta kala kapaipa kuku Yesu Kirisi ñinde ma kaveta mine.

<sup>19</sup> Lâ zo ñana Koroani Sapâña itu iveta wurâta tonje lâ miki ilomi, ande miki ma kaponu nzâla ñana wurâta ñinde kâ ndimo.

<sup>20</sup> Ambo tamâta pinde ma situla Maro Kindeni kawa ñgua pwataki pami, ande miki ma tinimi pwâka ñana ñgua ñinde ndimo.

<sup>21</sup> Miki ma ilomi pateu sondo ñana ñgua rârâni wa vetâña rârâni wa. Ara ñana miki ma kasaña ñgua ara tava vetâña ara kaika ndindi nâ,

<sup>22</sup> aku kanjenje ñana vetâña potomule rârâni kâ.

<sup>23</sup> Maka kano pa Maro Kindeni, ina wisi-pisi warika, tu ma ilele miki ilomi kalomi ndo, ñana miki ma kaveta vetâña ara nâ, ikura i ilo papa mine. Aku maka kano papa i tu ma ikatona karaemi wa koranami wa, ñana miki ma kamo mbâra-mbâra nâ, nemi soki tonje tia, lâ zo ñalae ñinde Yesu Kirisi ma itaulo imâ kilo.

<sup>24</sup> Maro Kindeni isarawami mungani lâ, aku i ma iveta vetâña ñinde ipânga pami, ñana tu i uru iveta ikura ne ñgua pâña rârâni.

<sup>25</sup> Nima-nambwe wukale, ara ñana miki ma kalomi ñgere ñanama, aku kano pa Maro Kindeni tu ma isukama.

<sup>26</sup> Aku ara ñana miki taitu-taitu ma kapatâño mbaumi, ikura kindi kalo-tawana tamâta nenda mâsi mine.

<sup>27</sup> Naña akai Maro Njalae ndamwa ku aporo ñgua mine pami: miki ma kapono ñgua rârâni ikeno pepa ñine tini pwataki panzi kalo-tawana tamâta rârâni siloño.

<sup>28</sup> Nenda Maro Njalae Yesu Kirisi ne wisi-wisi imâ pami.



**MARO KINDENI KAWA NGUA**  
**The New Testament and Psalms in the Sio Language**  
**of Papua New Guinea**  
**Nupela Testamen long tokples Sio long Niugini**

Copyright © 1995 Wycliffe Bible Translators

Language: Sio

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-09

---

PDF generated using Haiola and XeLaTeX on 18 Apr 2025 from source files dated 31 Aug 2023

b3b81168-89df-5bc3-8b0c-cf72ef93d3de